

Hist. 14682





No. 03.

2 1/2

Pieniążek 1037
590/1

6/2





599/

5

Hist. 14682(e)

Elogium

L I N N A R T I
T O R S T E N S O N I I

tumulo dicatum.

H O L M I Æ,

Ex Officina J A N S S O N I A N A,

A N N O M D C C L I.

Elogium

LINNARTI

TORSTENSONII

scripto. digatum.

HOLMÆ

Ex Officina JANSSONIANÆ

Anno 1761

Hic est, irato qui Svecica fata deosque
Opposuit Marti, secumque in praelia duxit
Fortunam, CHRISTINA, Tuam: cladisque pudore
Ingentes animos ac arma potentia solvit.

Hunc, per commissas acies modo iussa ferentem,
Vimque suam, modo munitis expellere clausos
Tentantem castris, non sustinere virorum
Robora, non vallum, non ferreus arcuit imber.

Idem, quam placidus victor, quam suavis amicus!
Stabat composito tranquilla modestia vultu,
Verbis, plena fides, & solum fortis in hostem
Dextera, pacandis spes haud instrenua rebus.

Post patriam meritis impletam, laudibus orbem;
Post titulos & bella suis inscripta trophæis,
Nunc corpus tumulo, mentem super astra locatus
Cœlesti æternos agitat de Pace triumphos.

Caesari aeternus agitat de Pace triumphos.
Nunc corpus tumulo, mentem super astra locatus
Post timor & bella suis inscripta tropaeis,
Post patriam meritis inscriptam, laudibus orbes;
Dextera pacandis spes haec insistentibus.
Verbis plena fides, & solus fortis in hostem
Stabat composito tranquillo modeste cubile,
Idemque placidus visor, quam furor amicus!
Robora, non vallum, non ferrum arcum imper.
Tentatum castris, non sustinere virorum
Vimque suam, modo manibus expellere clasos
Hinc, per commissas acies modo iussa ferentem,
Ingentes animos ac armis potentis soluit.
Fortunam, CHRISTINA, tuam, claudique pudore
Opposuit Marti, secumque in praesida duxit
Ic est, irato qui & vicia fata desopit



TORSTENSONIAM Gentem, antiquis apud Suecos titulis Eque-
strem, primus in altiorem nobilita-
tis gradum extulit LINNARTUS:
Comitis dignationem, ob rempu-
blicam sæpe fortiter fideliterque
administratam, iudicio & indulgentia CHRIS-
TINÆ Reginae adeptus. Huic, ut in summis
non modo suæ ætatis, sed omnis ævi imperato-
ribus numeraretur, præter naturalem ingenii ad
ardua facti dexteritatem, disciplina Maximi Re-
gis, GUSTAVI ADOLPHI auspiciis fortu-
namque contulerat. Sub ipsa enim adolescentiæ
initia in tanti Principis obsequio, mox & in com-
militio esse coepit: bellique, quod tum in Livonia
acerrimum gerebatur, rudimentis induratus, ab
infimo ordine ad Tribunatum processit. neque
mutavit nomen, cum postea bello Germanico, vi
muneris ampliore, rei tormentariæ curam gessit:
Regi suo in dies carior, & jam inter eos æstima-
tus, quos in omnia promptos, & ingentis fati, quo
tum res agitabantur, capaces ministros, Fortuna
Sveciæ, adornasse videbatur. Audita non semel
vox est Regis, familiari sermone, TORSTEN-
SONIUM inter paucos imperatoriis curis parem
destinantis. Quod ille sive iudicium sive præsa-
gium, quanto virtutis gloriæque successu imple-
verit, ab eo potissimum tempore repetendum est,
quo, post cetera militarium officiorum operum-
que decora, summæ rei cum imperio præfectus,

concuſſam morte illuſtriſſimi Ducis BANERII
& labantem fortunam belli, ſuo adventu immane
quantum recreavit. Habuit ille annus (â quo hunc
decimum numeramus) miras incerti Martis, ac
pænè inauditas tam longo bello vices. Paulo
enim ante, BANERIUM ſua felicitas videbatur
vocaffe ad occaſionem patrândi operis, quale
nullius ævi hiftoriæ memorant: ut Cæſarem,
cum univerſa aula, Imperiique Proceribus, co-
mitia Ratiſbonæ habentes, ex vrbe ad vim ſubi-
tam & ſtrenuam nondum ſatis inſtructâ, vel in fu-
gam exigeret, vel in triumphum educeret. Mox
ad alia inde non ſine incommodo digreſſum, ta-
citis veluti paſſibus mors pone confeſcuta, hoſti-
bus non modica gaudiorum & ſucceſſuum ma-
teria fuit. Ejecta paſſim locis opportunis, præ-
fertim per Saxoniam, Svecorum præſidia: amiſſa
ſimili fâto Sileſia: neque Gorlicium, caput rerum
noſtrarum in Luſatiâ, ſingularis Wanckii, ſumma
ope propugnantis, virtus tenuit: Guelferbyti
vero obſidionem, tanto temporis, ſumtuum,
laborum, hominum impendio hætenus tractam,
coortum inter obſeſſores ex æmulatione certa-
men, ac diſſociatæ ſubinde federatorum vires
diſſolverunt. Inſtabat hoſtis impetu, conſilio,
virtute: atque in diſſidia ducum, & querelas
militum intentus, ſuam occaſionem ex adverſis
noſtris ſtrenue ac feliciter confeſcubatur. Inter
quæ FORSTENSONII è Svecia adventantis, pri-
monomen, mox præſentia illum rerum curſum,
ſuffla-

sufflaminauit; Fortunamque, nescio quid transfugii simulantem, in partibus, nec invitam, retinuit. Compositis enim & instauratis, quæ turbata erant in exercitu & apud socios, quaqua progressus est, terrorem, fugam, vulnera in hostem tulit: receptis, & in ditionem vi metuque subactis plurimis oppidis locisque opportunis: in quibus Glogovia, situ, opere, præsidio munitissima vrbs, intra unam & alteram horam expugnata, ingenti armorum annonæque abundantia, merces & instrumentum festinantis ad novas subinde victorias belli fuit. Idem impetus Schweiniciam domuit: nequidquam prævertere tantam celeritatem auso Principe Lavenburgico. Qui cum egregia militum tuendæ Silesiæ impositorum manu, victoribus illatus, foedissimæ cladis & captivitatis suæ (in quam sequebantur ducem, præter legatos plerosque & tribunos, duo amplius armatorum millia, magnusque signorum numerus) unicum solatium habuit, maturatam intra paucos dies ex vulneribus mortem. Vix tertius agebatur mensis, & Silesiam ferme omnem armis metuque tenebat **TORSTENSONIUS**. Unde in Moraviam improvisus divertit, atque caput regionis Olomucium oppugnare adortus, impetu fortunaque sua tantopere præfectum, loci exterruit, ut obsidentium vim ultra paucos dies sibi sustinendam non putaret, dederetque, irreparabili in posterum jacturâ, urbem omni copia militaris apparatus, commeatumum, divitiarum

abundantissimam, bellique, ut sic dicam, integri comparandi gerendique officinam. Tum vero, irritata tot adversis hostium virtus, reficiendis rebus majore auspicio ac intentioribus curis incubuit: novamque belli apparatusfimi molem Archiduci Leopoldo Gulielmo, auctoritatem aulæ & dignationem Cæsaris ad exercitum laturo, commisit. Exacta igitur non instrenuis laboribus æstas, nec alio tamen eventu, quam ut Sveci parta per Silesiam & Moraviam pleraque retinerent, & mox supplementis novato exercitu, insigni accessione augerent, hostemque, post crebras velitationes & levia certamina, solutasque velut in vicem, hinc & inde, obsidiones, in Misniam ad fatales Lipsiæ campos pertraherent. Inter cruentissimos belli Germanici dies, altera illa Lipsiensis acies fuit. Utrumque summis viribus pugnatum, utrimque sinistrum cornu inclinatum, ducum quoque, ab utraque parte nihil non conantium, æquata pericula: **TORSTENSONIUS** ictu tormenti prostrato equo, tanquam è mortuis ad consummandam victoriam surrexit: Archiducem contra fortunam spei insistentem, jamque ab exercitu desertum, exigua fidesimorum manus, è circumstantibus hostium, gladiis ægre eripuit. Venerunt in manus **TORSTENSONII**, præter impedimenta & omne instrumentum castrense ac imperatorium, ducenta circiter signa: nec multo post, accessio victoriæ, Lipsia fuit, repetita à prælio obsidione,

ad

ad deditiōem compulsa, operibusque & appa-
ratu Sueticæ his locis militiæ caput esse iussa. In-
sequente anno, commutata belli ratione, Galas-
sius TORSTENSONIO oppositus, à probata sibi
unice militandi consuetudine non discescit: super
insitam cunctationem, ingentis consilii ratus, fa-
tigare & detinere hostem, cuius invicta prælio
virtus, & penetrabilis urgendo bello impetus ef-
fet. Verum TORSTENSONIUS, in conspectu
hostis, semper è propinquo, quatenus tuto licuit,
affectantis, circumferre arma & terrorem per
Bohemiam, Silesiam, Moraviam: excindere,
castella, occupare præfidiis vrbes & connectere;
subvenire obsessis, nihil apud hostes quietum
pati, excursionibus interiora Austriæ territare.
Huc enim animum fortunæ publicæ sensu peni-
tus imbutum, perpetuus, & naturalis, ut sic di-
cam, stimulus incitabat: hoc belli caput, & regi-
men rerum; hinc finem armis, hinc paci auspicia
petendum: & munito jam aditu, provisisque in-
proximo subsidiis, ut primum se præberet occa-
sio, redordiendam, quæ fata monstrarent, viam.
Equidem, quantum faveret votis, pro pace pu-
blica rite conceptis, Fortuna aliquantisper in oc-
culto tenuit: donec distractum bello Danis in-
ferendo TORSTENSONIUM, confectis prospere
celeriterque rebus, post octavum mensem, in-
priorem arenam restitueret. Gallassius enim, fe-
rus Daniæ auxiliator submissus, cum ad propiora
revocaretur pericula, à TORSTENSONIO, neque

in agmine, neque collatis postea apud Bernburgum castris se expedivit, quo minus in illa conclusione, & tentata ad extremum fuga, nobilissimus exercitus propemodum interneccione deleteretur. Rarum absque decretorio conflictu decus, & opportunum augendis TORSTENSONII adoreis, ex eo hoste, cui tantum hactenus sua calliditas placuerat. Hac accepta clade, Cæsarei in Bohemia reparando bello, quanta unquam contentione, incubuerunt. contractæ undique cum eximiis ducibus, copiæ: quas delecta Bavarici militis manu Werdanus auxit. Hatzfeldio, cujus insignis ea tempestate militaris fama, supremum in omnia regimen datum: præclare destinatis, quæ in remerant, si cum alio hoste negotium fuisset. At vero generosum TORSTENSONII animum, tam bene constitutæ Cæsarei exercitus opes, ad fortia consilia, potentibus ultro irritamentis accenderunt. vno eodemque tempore Danica, quibus strenuæ efficaciam virum Helmum Wrangelium discedens ipse præfecerat, moderatur consiliis, instruit viribus, munit subsidiis: & Bremense bellum Königsmarckio, expeditæ in omnia virtutis fortunæque Duci, conficiendum tradit: & in Bohemiam ad Cæsarianarum robur partium festinat; certus, prælio decertare cum resistantibus, aut, si certamen detrectetur, promotis signis bello sedem apud intacta Danubii firmare. Provenere, quæ prudentibus destinata votis erant, omnia: Fortunâ, magno quidem

quidem pretio, sed ingentes victoriarum fructus
Svecis vendente. Lancoviensi quippe prælio,
quidquid laborum, conatum, discriminum,
virtus humana capit, tota die sustinendum fuit,
ante quam debita **TORSTENSONIO** victoria
obtineri potuit. Hæc ultima, de septem majori-
bus pugnis, ab initio Svecicorum in Germaniâ
armorum, usque ad constitutam publice pacem,
pugnatis, exercitus hostium magnificentissimi
vires vel absumsit, vel in ditionem victoris redegit.
Hatzfeldius, cum quinque summis militiæ præ-
fectis, captus; Gœtzius, occisus, haud obscura
ceteræ cladis argumenta sunt. Quanquam longe
nobiliora victoriæ præmia putari debent, pate-
factus in Austriam aditus: pressus servitute Da-
nubius, quâ parte hætenus munimenta & clau-
stra imperii ostentaverat: terror ad portas Viennæ
prolatus, & in oculis vrbis dominæ omnia prædæ
ac direptui habita. Quantum ille annus ad sum-
mam belli profecerit, ne hostes quidem diffiteri
poterant. Et quis fuisset procurrentis fortunæ
impetus, nisi **TORSTENSONIUM**, occupatis
jam passim locis opportunis, ad majora paratum,
pertinacior apud castellum Brunnense morbus
attinisset? Quo factum, ut obsidio difficillima,
Ducem omnia inspicere, omnia exigere & ur-
gere solitum nimis quam desideraret. Neque
tamen interea minus militiæ tam felicitis strenui-
tas, expetitis pridem destinato consilio locis per-
vagata est. Cumque nova belli ratio in Bohemiam

revocaret **TORSTENSONIUM**, & subinde, in-
gravescens valetudo, vacationem ei militiæ, & re-
ditionem in Patriam, tandem impetraret: non
discessit tamen ab exercitu, donec, per armatis
denuo instructisque copiis, designatis locis, di-
spositis consiliis, formidabilem hosti & nulli non
magno operi parem apparatus, cum fortuna
partium, successori Carolo Gustavo Wrangelio,
vices imperatoris pridem strenue functo, tradi-
disset. Tanti civis reditum, nunc quoque cele-
brat Svecia, faustisque ominibus & bonis recor-
dationibus, duraturæ cum æternitate rerum,
pietatis studium explere gestiens, captas vrbes,
superata pericula, conferta prælia, modo in cu-
mulum, modo in seriem, colligit, explicatque:
hæc sibi gaudia, hæc liberis posterisque suis ex-
empla, dulcissimo annalium genere, in animis &
conscientia victoris populi consecranda judicat.
Una omnium communis vox auditur: Hic est ille,
qui Magni Regis contubernio æstimatus, inter
Herois magistri victorias ad tutelam patriæ suc-
crevit: hic suboli nostræ in agmine dux, in castris
doctor, in acie commilito, ubique civis, ubique
pater fuit: in hujus oculis generosa vulnera me-
ruisse, sanguinem & spiritum profudisse, opti-
mum pro republica augurium duximus: hujus
merita, in fatis nostris; manubiæ, in tropæis, in-
extinctâ claritudine effulgebunt. Personabant
ejusmodi acroamate viventis etiam **TORSTEN-
SONII** aures, famâque sui cogebatur veleo no-
mine

mine frui, quod civibus suis illam panegyrici
concentus voluptatem invidere non audebat.
Sed, postquam vivendi finem fecit, nescio quo
pacto & studiosius inclamantur, & jucundius au-
diuntur, profectura deinceps cum sæculis orbe,
toto præconia, quibus interim per solenne offi-
cium, gloria funeris, & monumenti perennitas
exstructa est. Quorum industria, domi & circum-
finitima, quamvis magnis operibus, enitescit, scri-
ptorum ingenio, favore amicorum, beneficio ex-
quisitorum varie monumentorum opus habent,
ut famam nominis sui immortalem faciant. Sue-
corum arma, nobilior pars orbis, diverso nomine
ad se pertinere putavit: atque in suas memorias
retulit. Plenæ Gothicis nominibus tabulæ Re-
rumpublicarum; plenæ imaginibus Arctoæ vir-
tutis ac simulacris, provinciæ: plenæ miraculis
summorum Principum **GUSTAVI ADOL-
PHI & CHRISTINÆ**, literæ omnes histo-
riæque, & sunt jamjam, & magis erunt deinde;
cum debita tantis rebus commentatio, interioris
graviorisque prudentiæ genium, novo huic &
pæne adhuc stupenti ad sua fata sæculo familia-
rius conciliaverit. Extabit ergo semper in illis ti-
tulis laus ac fama **TORSTENSONII**, & hæc lau-
dis famæque summa: quod duorum Principum,
quibus nihil majus universitas rerum vidit, graf-
santi ad sublimia virtuti fortunæque, per omnia
amplissimi obsequii atque ministerii munia suffe-
cerit. Qui hoc dixerit, omnes ingenii dotes, omnes

C

animi

animi artes dixisse intelligitur: quibus primæ for-
tis viros, Deus, à se adornatos, Principibus in-
strumenta imperii, nationibus ornamenta sæculi
commodare solet. Hic commendationis humanæ
apex, hæc genuina Heroum dignitas: ultra quam
non ascendunt, qui ex hominibus Deos facere
conati, si historiam profitentur, mendaces; si rhe-
torum & poëtarum consuetudinem obtendunt,
otiosi ac ludicri deprehenduntur. In TOR-
STENSONII certe laudibus, si quis has instituat,
stilo signare, parum decore, opinor, extaret,
quidquid in umbra natum, Martii hujus campi
lucem reformidat, & à gravitate ac modestiâ ca-
strensis disciplinæ in diversum abit. Etenim, ut
parem tantis rebus moliendis efficiendisque in-
dolem; ut felicitatem, & felicitatis comites an-
duces, prudentiam, industriam, fortitudinem,
justitiam; ut administras harum virtutum reliquas,
nobilitate præcipuas, numero plurimas, intelligat
sæculum, admiretur posteritas, nullis opus est
artificum inventis: non magis utique, quam ad de-
monstrandum solem lucernâ indigemus: sola est,
unde, quidquid hoc est muneris, expectari debet,
simplex & ingenua commemoratio vitæ, sic omni-
gena laude, tanquam proprio lumine collucen-
tis. Sive enim summa nobiscum fastigia rerum se-
quaris, nihil deerit ad æstimandam non fallaci
mensurâ invicti Herois magnitudinem: sive in sin-
gula juvet potius inspicere, operum rationes &
causas persequi, nullo certius documento, quam
pateat

pateat ample nativa virtutis majestas, quamque
ascitum refugiat decus, judicabitur. Sunt equi-
dem magni sæpe homines, quorum facta, pro
eventu, veluti confertim offuso fulgore, in oculis
populorum mirifice coruscant: præsertim in bel-
lo, ubi virtutum nomina potius, quam ingenia
æstimantur. Rarissimi decoris illa laus est, quæ
animum bonis artibus serio compositum, ad in-
corruptam præclare agendi consuetudinem,
interiore quodam motu ciet temperatque. In
TORSTENSONIO, cum immensum præfulgeat
clarissimorum magnificentia operum, plus ad-
mirationis habet indoles & ratio auctoris: qui for-
tunam conciliare semper, quam tentare maluit.
Quo factum est, ut dissociabiles laudum tituli,
fiducia & consilium, pari semper passu profe-
ctuque, vel incederent ad provisa, vel procur-
rerent. Negotiorum naturas nemo inspexit pe-
nitius; tractandi vias, nemo expedivit celerius:
cumque aliorum sententias nunquam non ex-
ploraret, propriâ ipse difficillimis quibusque re-
bus solertiâ superfuit. Quantam curarum mo-
lem unus sustinet, nemo suspicari potest, nisi
qui Germanici belli magnitudinem, acerrima
domus Austriacæ consilia, nec minores quam
pro ingentibus propositis opes, tum Svecicarum,
eo tempore partium, distributas regionibus, dif-
fusas federibus, connexas utilitatibus vires, in-
numerato habet. Provinciarum regimen, præsi-
diorum necessitates, sociorum commoda, copia-

rum supplementa, annonæ subsidia, modo in has, modo in illas partes, varie distrahebant animum, nihil sibi negligere, nihil hosti concedere s̄vetum: cumque tantis ab aulâ intervallis, pleraque pro re & tempore tractanda essent, non minus interea domum respicere, mentem ac rationes publici summique consilii, divinandi sollertia assequi, regiasque utilitates congruentibus exacte obsequiis propitiare, primum in omnia auspiciū erat. Atque si vera rebus vocabula ponimus, non unius belli, sed multorum instar habuit, in tot duces, exercitus, provincias ab uno emanans capite provisio. In qua tantum fuit cœlestis cujusdam industriæ, ut neque ab arcanis Fortunæ propositis, neque à commissa sibi reipublicæ salute, gloriaque, neque ab optimis perficiendi rationibus, providentissimus imperator usquam deverteret aut aberraret. Prodigiū simile fuit, tot laboribus sufficere virum creberrimâ valetudine, debilem, defectumque pæne artuum robur, solâ firmitudine animi sustinentem. quem propterea, ante experimentum imperatoriæ virtutis non defuerunt, qui vulgaribus dicteriis contemnendum putarent. Sed constabat ratio consilii, Sveciæ, nunquam felicius suis incrementis obsecutæ, quam cum **TORSTENSONIUM**, incommoda valetudinis nequicquam caussantem, è patria, non multo ante repetita, in expeditionem tantæ mittentibus & missio gloriæ futuram perurgeret, atque in ea, usque ad demonstratum divinitus ar-

ticu-

ticulum temporis dilato vacationis desiderio, retineret. Evolvantur annales, replicentur militares sæculorum memoriæ: quis unquam dux, prospera valetudine & viribus corporis, in bello non minimum pollentis, præcellens, majora vigoris, efficaciam, celeritatis documenta dedit? Dixeris, lectum ejus, plura aliquando diligentiam specimina, quam aliorum castra & campos, habuisse. Itaque, non jam deminuit ea res, sed auxit viri admirationem: magnusque apud hostes, venerandus inter suos **TORSTENSONIUS**, incorrupta ubique auctoritate fama que perviguit. Efficaciora sunt omni commendatione, testimonia hostium, in literis, in sermonibus, in consiliis, hunc vigilem, hunc acrem, hunc vi astuque juxta impenetrabilem, metuentium simul & laudantium. Et quam parum abfuit, quin accederet ille affectus, cui nullus inter arma locus vulgo relinquitur? Certe, quin generosissimus quisque hostium, aut aliquo virtutis sensu præditus, mansuetudinem **TORSTENSONII** victis semper paratam, nec in medio armorum cursu incompertam, amaverint, dubitatio pridem argumentis etiam in vulgus notis, exempta est. Id ego præclarissimum laudis militaris genus reor, iram certaminis, libidinem gladii, licentiam temporum vincere: hoc est, immodicis, modum; infinitis, limites dare; bellorumque inhumanam feritatem, æquitatis & juris temperamento coercere. Hæc certissima animi ad præclara nati fides, hæc vir-

D

tutis

tutis non simulatæ tessera, hoc prudentiæ generosioris rarum sed verum pignus est. A quibus titulis longe absunt, qui jus sceleribus datum inter ornamenta belli numerant; neque rationem armorum in hostico reddi, præferociter arbitrantur. **TORSTENSONIUS** nullum parcendi prætextum neglexit: præter debitum imbelli ætati & sexui favorem, nunc virtutem, nunc miseriam hostis, in occasionem, nec clementiæ tantum, sed beneficii trahens: relictis post se subinde iis moderationis vestigiis, quæ nec socios sociis, amicos amicis, inter bella hodie æquo videas animo debere. Quis miretur, exemplo ducis tam notabili & perpetuo, insinuatum animis militum amorem veteris disciplinæ? quam nostra ætas, postquam arte bellandi omnia sæcula vicerat, primùm per fiduciam neglexit, mox per incuriam perdidit. Accessit amor imperatoris, longe efficacior recti moris magister, quam metus & terror, cujus aciem præfracta peccandi consuetudo pridem hebetavit. Et supererat sane **TORSTENSONIO**, quidquid ad promerendam militum voluntatem vel ingenii, vel artis, vel fortunæ, conferri potest. Alloquio comis, aditu facilis, aspectu jucundus, desiderii militum ope, solatio, beneficio consulebat: incolumitatem eorum à periculo, corpus ab injuria & inopiâ, incredibili sollicitudine vindicabat: testis præclare factorum incorruptus, laudator virtutis ingenuus, instigator meritorum munifi-

cus:

cus: pater castrorum, commilito exercituum.
Cui, dum vicem reddere, commune militi cum
legatis præfectisque studium est, nullus ignaviæ,
nullus proterviæ locus relinquitur. Longe du-
cibus æmulatio & simultas: cujus femina, nun-
quam fere militaribus animis ac temporibus de-
fuit. Caritas imperatoris, gratias, amicitias, ne-
cessitudines inter præstantes viros ferentis con-
ciliantisque, omnem discrepandi occasionem im-
petumque absumserat. Æquum se omnibus præ-
bendo, quia partibus nunquam accessit, partes su-
stulit. Hinc tam æqualis militiæ tenor, tam conspi-
rans pro gloria nominis Svecici studium, tam ordi-
natus congruensque operum ac victoriarum con-
textus. Vincebat hoc tempore Svecia numero &
præstantiâ ducum, quidquid est in orbe toto bel-
licosarum nationum. Sed, si defuisset, qui tam
excellentes naturas ad se inuicem & ad rem publi-
cam temperaret accommodaretque, fortasse im-
pedimentum inde verius, quam auxilium geren-
dis rebus existere poterat. Quid in minore nu-
mero, aliis hodie usu venerit, domestico ipsorum
iudicio arbitrioque vel declarari vel premi fa-
tius est, quam nostrâ oratione præcipi. Apud ve-
teres, Græcia certe, quo tempore summi bello
viri numerabantur, sibi plus negotii, quam ho-
stibus creavit: non facile reperitis, qui inter se con-
cederent. In regno firmioribus quidem vin-
culis virorum armorumque robur videas colliga-
ri: sed, agente procul rege, non dispar fere peri-

culum imminet. nisi quod singularis exempli auspicio fortunaque, REGINA Svecorum paternæ militiæ majestatem, vim, disciplinam, concordiam fortium ministrorum operâ, eo usque potenti auctu provexit, donec non invictum modo sed tremendum hostibus robur, ad emerendam, quæ desperata propemodum erat, tot populorum pacem, ematuruisset. Dignissimi consiliis fatisque Regiis obsequii gloriam, in tanto opere, TORSTENSONIUS tum aliis nominibus, tum vel maxime, quo dixi, retulit: quod tot tantorumque bellatorum excelsos & magnis animis innasci solitos spiritus, in militiæ usum ac ordinem, suâ auctoritate, humanitate, sapientia, quasi optabilibus vinculis, sic adstrinxit continuitque, ut nullum nisi ex æmulanda virtute certamen, inter ipsos emicaret; nulla sociandis curis & laboribus mora intercederet; nulla festinandis & copulandis armorum successibus tristitia obtrectaret. Præterquam enim, quod naturali quodam bono, in omnia famę gratiæque ornamenta valebat: nemo repertus est, qui eum peritia belli, aut dispositione consiliorum anteeret. Comitabatur ergo imperium ratio: neque molesta videbantur jussa, quibus prudenter contradici non poterat. Licet venerari tabulas mandatorum circum absentes dimissas, aut præfuturis magnæ rei datas; tanta comprehensione rerum, tanta momentorum explicatione, ut non tam agenda præscribi, quam agendi sapientiam communicari diceres. Tam
accu-

accuratos viri mores , non poterat non amare.
Fortuna, siue potius, auctor & fortunæ & morum
Deus: quem in omnibus auspicem, ducem, fau-
torem non modo habebat cum multis, sed pro-
pitiabat colebatque cum paucis **TORSTENSONIUS**:
parum ille quidem à profano abfuturus
nomine inter imagines Sveticas, nisi Regis ejus-
demque magistri sui exemplum, ad signa & prin-
cipia castrorum revocasset. Quod si enim, primam
imperatoris laudem pietate definienti, præsidio ar-
gumentoq; opus sit, quæ potior esse ac præsentior
auctoritas potest, quam **GUSTAVI** illius Ma-
gni: qui in tanto dignitatis, virtutis, artis appa-
ratu instructuque, nihil absque divina ope vel pa-
tratum sibi vel patrandum, serio & graviter præ-
dicare, nunquam dubitavit? Ex hujus instituti
disciplinâ, Deus in consilio, Deus in acie, Deus in
obsidio, præsentissimum semper nomen, rebus
fufcipiendis formam, perficiendis copiam, obti-
nendis eventum non patiebatur abesse. Injuriam
enim Sveticæ gloriæ putabat **TORSTENSONIUS**,
si bellum, conspirante per omnia cælo in-
ceptum gestumque, imminuto divinitatis com-
mercio, in mores sæculi degeneraret. Neque ta-
men ariolis & vatibus, quorum fecunda fuere,
per licentiam publicæ perturbationis, tempora,
auscultavit: infidum bellantibus genus, Deoque,
cujus arcana citra fidem cœlestis disciplinæ jacta-
pat, adversum, ratus: quin & firmiora pie speran-
tibus, quam curiose divinantibus præsidia divini-

tus destinari, perpetuato consiliorum proventu,
citra omnes belli offensiones, expertus. Id in
animo, id in ore habuit: eo nomine grates, laudes,
vota, Deo servatori, vindici, victori exsolvit.
Sibi non alios de tantis rebus fructus vindicavit,
quam ut patriæ, amorem; Principi, obsequium;
Deo, reverentiam intelligeretur approbasse.
Jactationem prosperæ militiæ, aut insolens omni-
no verbum nemo ex eo audivit. Incorrupta ad-
versus ambitionem & adulationes, civilitas ani-
mi, magnitudinem famæ modestiâ tuebatur. In
cetera quoque morum vitæque consuetudine,
ea comitas, temperantia, lenitas, elegantia virum
honestabant, ut nihil posset exactius ab eo ex-
pectari, qui in sapientiæ doctrinis ætatem con-
trivit, vivendique modum ad perfectam officio-
rum regulam conformavit. Literarum etiam,
studia, quibus vacare homini inter arma educto,
non contigerat, & amabat plurimum, & filiis,
auctoritate, clientibus, stipendio commendabat.
Erat admirationi ministris Principum, & magna-
rum rerum administratoribus ac transactoribus,
quotiens facilem in omnia prudentiam, respon-
sis, literis, sermonibus expediret; sicque bonitate
naturæ, tanquam præsidio doctrinarum nitere-
tur: accuratus judicio, cautus provisu, composi-
tus colloquio, actu gravis. Aularum consilia, Prin-
cipum proposita, Europæ fata, non ipso tantum
ardui muneris tractatu, experientia; sed inter
præmia belli, cum instrumento victoriæ, fortuna
tradi-

tradiderat, atque cum eo communicârat. Igitur non deprehendebatur subitis, non implicabatur perplexis, non decipiebatur abstrusis. Gratia in vultu, lepor in verbis, svavitas in convictu, raro prorsus spectaculo, huic Marti personam Mercurii induerant. Adeo autem non corripit tranquillam hanc morum temperiem, valetudinis genus, quod maximis quibusque viris omnem, pæne humanitatem excutit; ut ne ministrorum, quidem cuiquam, Heri dolores, jurgio, convitio, denique asperiore verbo, luendi fuerint. Tale ingenium, quin inter prima orbis humani ornamenta eminere debeat, soli possunt dubitare, qui in maximâ publicæ felicitatis ignoratione, versantur: neque exempla laudis civicæ comparare didicerunt atque ratiocinari. Re militari præstitisse alios, alios civitatis regendæ peritia claruisse, magnæ quidem, sed usitatæ laudis est. Qui vero unus idemque fortissimus imperator & optimus civis comperiatur, fere non nisi fatali bono profecturis ad magna ætatibus & gentibus indulgetur. Quonomine **TORSTENSONIUM** Sveciæ, & Sveciam **TORSTENSONIO** gratulari debemus; congruentibus in præclaros viros annosque fatis, belli pacisque gloriam luculento fastigio consummaturis. Ornarunt mutuæ felicitatis necessitudinem, divina humanaque præmia, quibus **TORSTENSONIUS** undique circumfluebat. Quantum enim est, quod de ingentibus virtutis imperatoriæ meritis, nihil fortuna delibavit,

bavit, aut subtraxit? quod finis principio, successus consilio, celeritas fato, præcipitis instar rotæ festinanti, respondit? Quantum est, quod inter fulmina Martis, inter ferrum & ignes, & infinitas mortes, incolumis semper evasit, qui moriendi exemplum animumque aliis subjecerat? quod ne captivitatem quidem in vita, nisi semestrem pertulit? Jam Regum, sine controversia, incomparabilium indulgentia, quo plus iudicii, eo plus ornamentum habet. à GUSTAVO, genium veræ laudis virtutisque hauserat. huic auspicia famæ dignitatisque, imo & incrementa, si de usitatis gloriæ titulis ageretur, debebat. CHRISTINA, paternorum amplificatrix operum, auspiciis imperiisque suis gloriose functum, ditavit opibus, evexit honoribus, cumulavit gratiis. Hujus munere, augusti Senatus Regii confessor, ante expeditionem: in expeditione, summam cum potestate imperator: inde opimarum possessionum dominus, denique Comes factus est. Hujus invicem manum non nisi laureatis literis adiisse, tempora gratulationibus occupasse, annos supplicationibus impetratis illustrasse, omni præconio magnificentius est. Hujus, regium capiti decus auspicantis, triumphos usurpasse oculis, ornasse officiis, instruxisse tropæis: huic liberos educasse, hujus alloquio, supremam valetudine, respirasse, hanc reliquisse superstitem, primæ felicitatis modum & votorum humanorum summam explet. Neque à tanta claritudine publica, privata tenor vitæ discedit.

dit. Conjunx nobilitate, ingenio, virtute singulari; utriusque Filii indoles, vel adolescentiæ rudimentis, vel spe pueritiæ, illustris; Filia tenera itidem, sed origini cognationique suæ fidem, abunde faciens ætas; haud levia in solatium & decus nomina erant. Quid affinium & amicorum necessitudines? quantâ concordia, quanta familiaritate, quanta mutui amoris suavitate pervigebant? Sola est, quæ intercedere prosperis videbatur, valetudo: cui medendæ nulla, leniendæ seignia vulgo remedia proponuntur. Verum, hæc quoque adversitas in gloriam cessit. Qui enim, inter morbi tam tenaciter urgentis perpetuas insidias molestiasque, tantas res gesserit; & præsertim fulmineam illam celeritatem, quam præcipuum Heroibus ad magna nitentibus telum divinitus attribui videmus, capere potuerit; primum in historiis exemplum **TORSTENSONIUS** erit. Cui, nec brevitæ vitæ, ante initia senii abruptæ, fraudi esse potest. Præterquam enim, quod hoc compendio ad meliorem vivendi conditionem translatus est: etiam immortalium, quæ edidit, operum, nec patriæ, fructus; nec civibus, exemplū; nec familiæ gloria peribit. Ipsius autem memoriæ ac nomini, quantus esse maximus potest, ingenio famæ, & victuris in ævum monumentis, honor habebitur.

F **lo-**


INterea Vos, generosa tanti Parentis proles,
Comites, **GUSTAVE ADOLPHE &**
ANDREA, Elogium hoc ad paternum tu-
mulum, inter suprema omnium ordinum studia
officiaque, dicari finite. Titulos pollicetur in-
gentium meritorum, non laudationes; nec anna-
lium munus invadit, sed justis infervit funebribus:
quæ nulla re decentius, quam simplici virtutum
memoriâ, & in affectatis civium vocibus in-
struuntur. Vos quoque, ô eximia pectora, post ex-
equias, omni pietate obsequioque concelebra-
tas, post sepulcrum præcipuo cultu & magnificen-
tia adornatum, longe antiquius, vestroque
sanguine dignius, memoriæ paternæ, officium
debetis. Regenerare parentes virtutibus, æmu-
lari meritis, hoc est demum, justa solvere. Tra-
dita est vobis ingens nobilitas, procreatione, ex-
emplo, disciplinâ ad hoc onus sustinendum, omni
studio & contentione decet conniti. Generosi
proprium est animi, reverentiâ sanguinis ad virtu-
tis indolem excitari: neque ullos ad laudem duces
sequetur, qui bene de republica meritis mayo-
ribus ac parentibus suis, non utitur doctoribus.
Quod ut rectius faciatis, attendite animum lite-
ris, invadite memorias temporum, noscite viro-
rum domi militiaeque illustrium studia & opera:
ut, quanti Parentem vestrum facere debeatis, ipsa
vos paulatim magnarum rerum meditatio atque
comparatio doceat. Mementote præterea, quid
de virtute militari, cujus præsidio patria carere,
ne


nequit; quid de laude imperatoria, maximus ipse
imperator, Parens vester senserit: quanta asseve-
ratione verborum eos reprehenderit, qui omnem
belli profectum honoremque à fortuito eventu
suspendentes, huc neque adferri neque accom-
modari bonas artes oportere statuunt. Quam,
accuratis autem numerosisque officiis, boni civis
munia contineantur, sæpe vobis prædictum, sæpe
monstratum, paterna dicta factaque revolventes,
cognoscetis. Jam, cum de LINNARTI TOR-
STENSONII fortitudine, prudentia, liberalitate,
modestia, æquitate, ceterisque laudibus, pleræ-
que in terris gentes, plerique magni viri, docu-
menta sibi & adjumenta petant: quam indeco-
rum & turpe esset, ad eos minimum inde utilitatis
pervenire, quibus tantæ imitatio gloriæ, non disci-
plina tantum, ut ceteris, sed propiori jure, heredi-
tas est. quam si adire cunctemini, periculum est,
ne non generis modo famam, sed patriæ in sum-
mo fastigio eminentis fortunam, parum habere,
propitiam videamini. Id quod à vobis quidem,
procul aberit: quibus jamjam fixum sedet animo
immotumque, paterni décoris præceptique ve-
stigia premere; id est, per omnem vitam adorare
Deum, venerari Principem, amare patriam; corpus
ad laborem, animum ad virtutem exercere. Ita
non in monumentis literarum magis, quam in
vestris meritis, grande TORSTENSONII
nomen perennabit.


Scr. Jo. H. BOECLERUS H.R.

negare; quid de laude imperatoris, maximum ipse
imperator, hanc vestra sententia: quantum adve-
ratione verborum esseprehenditur, qui omnem
belli profectum honoris, a fortuna eventum
substantes, hoc nescio ad hanc nescio accom-
modari bonas artes oportet hanc. Quam
accutis autem hunc olivae officio, boni civis
magna continentur, sepe vobis edictum, tunc
monstratum, patet de hac laude revolvens,
cognoscens. Jam cum de TORSTENSONI
et ex omni fortitudine, prudentia, libertate,
modestis, ad hanc, ceterisque laudibus, plene-
que in totis bonis, pleneque in omni vi, docu-
mentis, hanc ad hanc nescio: quam indeco-
rum, & turpe esse ad hanc nescio, inde utilitas
per hanc, quibus cum hanc gloria, non dicitur
pleneque, et ceteris, ad hanc nescio, hanc
est, quam hanc ad hanc nescio, per hanc
ne non generis modo hanc, sed hanc in hanc
mo hanc nescio hanc, hanc hanc
propria hanc nescio, hanc hanc
pro hanc nescio: quibus hanc nescio, sed hanc
immoderate, hanc hanc hanc hanc
hanc hanc, id est, per omnem vitam ad hanc
Deum, vobis hanc nescio, hanc hanc
ad hanc, hanc ad hanc hanc hanc
non in hanc nescio hanc hanc, hanc
vestris hanc hanc TORSTENSONI
nomen hanc hanc

Jo. H. BOECLERUS H.R.







Biblioteka Jagiellońska



stdr0010464

